

Мўтабар ТОЖИБОЕВА

ОГОҲ БЎЛАЙЛИК!



**ЎЗБЕКИСТОН ХАЛҚ-ДЕМОКРАТИК
ПАРТИЯСИ МАРҒИЛОН ШАҲАР «ЗУҲРО»
МАҲАЛЛАСИ ҲУДУДИЙ БОШЛАНҒИЧ
ПАРТИЯ ТАШКИЛОТИ ҚОШИДАГИ**

« У Т Ю Р А К Л А Р »

К Л У Б И

ОГОҲ ЭТАДИ, ОГОҲ ЭТАДИ.

О Г О Ҳ Э Т А Д И ..

**«Биз жамиятимизда учрайдиган
ҳар қандай иллатга қарши кураша-
миз — БИЗ ОГОҲМИЗ».**

«УТЮРАКЛАР» КЛУБИ ШИОРИ.

**Ўзбекистон Ёзувчилар уюнимаси
Адабиёт жамғармаси нашриёти**

ТОШКЕНТ — 2001



Маҳалла нуфузини кўтариш нафақат иқтисодий, нафақат ижтимоий, балки бу — сиёсий, тарбиявий, улкан маънавий масаладир.

И. ҚАРИМОВ.

ҚАДРДОН МАҲАЛЛАДОШ!

Юртимиз осмони узра Мустақиллик шабодаси эсиб, узоқ йиллик мустабид тузум занжирлари бир-бир узилди. Кўхна тарих зарварақларига зарҳал ҳарфлар билан битилган 10 йилда қалбимизда улугворлик, мағрурлик ҳисси юксалиб, Мустақил Ўзбекистонимизни жаҳон ҳамжамяти нафақат таниди, балки **ЎЗБЕКИСТОН** дея тан олди. Мустақиллик ҳар бир нарсага—юртимизнинг гиёҳидан тортиб тоғларигача бари-барисига меники деб қарашни ўргатди. Чиндан ҳам барча бойликларимиз ўзимизники бўлди. Бозор иқтисодиёти шароити ҳар бир одамдан фаолликни талаб қилади. Эндиликда мудроқлик билан, куним ўтса бўлди, деб турмуш кечириш мумкин эмас.

Халқимиздаги меҳр-оқибат, бир-бирини асраш—ўзбекчилик фазилати миллий истиқлолимиз даврида янада муҳимроқ маъно касб этди. Чунки жипслашган, бир ёқадан бош чиқарган, бир мақсад йўлида фидойилик қилишга тайёр бўлган халқгина ўз озодлигини асраб қолади. Бизнинг бугунги ҳар бир ишимиз эртанги кун ёруғлиги учун қўйилган муҳим қаддам эканлигини унутмайлик. Ватанимиз тараққиёти учун тиниб-типчимай меҳнат қилсак, вақтни беҳуда ўтказмасак, «Мен ўзи шу Ватанга керакманми?», деб савол берсак ва жавобни каршисида додираб қолмасак, билингни, кунимиз шунчаки ўтмаяпти. **ВАТАН** эса **ОСТОНА**дан бошланади.

МАҲАЛЛА ОҚСОҒОЛЛАРИ — ОТАХОНЛАР!

Мустабид тузум қурбонлари — озодлик ва эрк куйчилари Абдулла Қодирий, Чўлпон, Фитрат каби минглаб маърифатпарвар инсонлар юрт озодлиги йўлида ўлимга тик борганлар. Қанчадан-қанча маънавияти юксак ишбилармону-тадбиркорлар қатарон қилиниб, Узоқ Сибир ўлкаларидан умрбодлик маскан топдилар. Ўзбек миллатининг миллат бўлиб юксалиб кетишидан чўчиб ҳали «пахта иши», хали «ўзбеклар иши» деган тамгаларни осиб минглаб жабрдийдаларни ёстигини кўритган тузумни кирдикорларини биздан кўра сиз яхшироқ биласиз. Эркинлик, озодлик нафаси юртимиз узра кеза бошлагач ғаламислар тивчи бузилди. Бу ғаламисларни жинояткорона хатти-ҳаракатларини кўриб «бузоқни югургани сомонхопагача» деган халқ мақолини эслайсан киши. Демак бизни парвозимиз кимларнидир хавотирга кўйибдими, келажакимиз порлоқ экан, Қари билганни нари билмас дейдилар.

Мустақиллик қанчалар даражада азиру-мукаррам неъмат эканлигини ёшлар ўртасида кўпроқ тушунтирсангизлар, адашган бандаларни кўзи очила бошласа ажабмас.

МАҲАЛЛА ФАОЛЛАРИ!

Ўзбекистон Республикасида ҳуқуқий Демократик давлат қуриш жараёни шаклланмоқда. Бир неча минг кишилик маҳалла аҳлининг турмуши, ҳаёти сизларга ишониб топшириб қўйилди. Маҳаллий ҳокимият органлари ва фуқароларнинг ўзини-ўзи бошқариш органлари олдига қўйилган вазифа масъулияти гоёт мураккабдир. Фуқароларнинг ўзини-ўзи бошқариш органлари фаолиятининг асосий тамойиллари демократизм, ошкоралик, ижтимоий адолат, инсонпарварлик, маҳаллий аҳамиятга молик масалаларни ечишда мустақиллик ҳамда жамоатчилик асосидаги ўзаро ёрдамдан иборатдир.

Юртбошимиз Республикада ижтимоий сиёсий барқарорликни мустаҳкамлаш ҳақида гапира туриб «Ички тинчлигимизни сақлашнинг асосий шarti адолатни сақлашдир» дегандилар. Бугун қайсидир бир ёш сигарет пули топиш илинжида ўз яқин дўстига наркотик модда сотар экан, бой-бадавлат яшаётган кўшни хонадонга нафрат билан тикилар экан, аёл киши кўркмай, ўғриликка, фирибгарликка қўл урар экан. «Манавилар айтди, агар мен улар айтган ишни қилсам биз бошқача шар эканмиз» деган заҳарли хаёл бир зумгина қайсидир бир фуқаро онгини банд қилар экан бунинг асосий айбори сиз ва бизмиз.

Тўғри бутун бир маҳаллани бошқариш осон эмас. Чунки бунда турфа хил характерли, турлича тарбия топган инсонлар истиқомат қилишади. Шунинг учун ҳам маҳалладаги ҳар бир хонадон, ҳар бир инсон сизнинг назоратингизда бўлмоғи даркор. Ҳар бир уй каттасининг, маҳалла фуқаролар йиғини раисининг ва участка нозирининг қўлида уй дафтари бўлиши, унда ҳар бир хонадондаги ҳолат ақс этиши шарт. (1, 2, 3 шакл). Айниқса, кўп каватли уйларда назоратни кескин қучайтирмақ даркор. Бу ишларни намунали тарзда йўлга қўйиш учун эса маҳалла ҳудудида фаолият кўрсатаётган ташкилотлар, корхоналар, ўқув муассасалари, маҳаллада истиқомат қилувчи зиёлилар, халқ ноиблари ҳамкорлигини таъминламоқ керак. Фақат бу ҳамкорлик қозонда, оғизда эмас, амалда

бўлиши шарт. Агар мана шу ҳамкорлик яхши йўлга қўйилса маҳалла «энг ибратли, энг намунали» маҳаллага айланиши муқаррар.

ҲУРМАТЛИ ОТА-ОНАЛАР!

Дилбандингизни нафақат менинг фарзандим деб, балки Ўзбекистоннинг келажаги деб қаранг. Ана ўша фарзандингиз Ватан тараққиёти йўлида қандай хизматлар қилмоқда, режалари қандай, сиз хабардормисиз? Бугун унинг кўзларида пайдо бўлган сиз учун нотаниш бўлган учқунни сабабини англадингизми? Мамлакатимиз ташқарисидаги тажовузкор ақиданараст кучлар, ислом дини халқимиз учун муқаддас қадрият эканлигидан фойдаланиб, Ўзбекистонни демократик, маърифий тараққиёт йўлидан оғдиришга интилаётган, турли баҳоналар билан Ўзбекистонга ўз сиёсатини, таъсирини ўтказиш ва ҳукмронлик қилишга уринаётган кучлар мавжудлиги сир эмас. Ҳар бир қарич тупроғи олтинга тенг Она-юртимизни булғамоқчи бўлган Ватан хоинларининг қилган хунрезликлари, юртбошимиз ҳаётига тажовуз қилганликлари, яъни ўша машъум 16 февраль фожеаси ёдимизда. Ундан кейинги Баткент, Сурхондарё воқеалари доимо огоҳ бўлишимиз кераклигини билдиради.

Ханузгача ўзи туғилиб ўсган Ватанига хоинлик қилган бу юртфурушларнинг югурдаклари, малайлари олдига ташланган садақага қувониб юрт тинчлигига раҳна солишдан умидларини узганлари йўқ. Дилбандингиз ана шундай Ватан хоинлари қўлида қўнғирчоқ бўлиб элу-юрт олдида юзингизни ерга қаратиб қўймаслиги учун янада ҳушёр, янада огоҳ бўлмоғингиз даркор. Чунки терроризм, бузғунчилик, диний экстримизм, наркобизнес қонсираб қурбон талаб қилмоқда. Фарзандингизни бундай жирканч қабоҳат қурбони бўлишидан эса фақатгина сиз асраб қола оласиз.

МУҲТАРАМА АЁЛЛАР — ОПА-СИНГИЛЛАР!

Сиз ва биз юртини босиб олган, фуқароларини бошига кулфатлар ёғдирган босқинчи, зўравонларни мадҳ этишдан кўра бошини жаллод кундасига қўйишни афзал билган Нодирабегим авлодимиз, аёл боши билан жасоратли йигитларга бошчилик қилган, ўз юртини озодлиги йўлида ўлимга тик юзланган, жангужадалларда мардона курашган Қурбонжондодхоҳ онамизнинг зурриёдларимиз. Она-Ватан озодлиги ва ободлиги

йўлидаги курашда бизлар биринчилар қаторида турмоғимиз керак.

Юртимизга ёвуз ниятлар билан бостириб кирган жангарилар билан Сурхондарё вилоятида бўлиб ўтган жангларда мардларча курашиб қурбон бўлган марғилонлик ҳарбий офицер Бобир Ғаниевнинг онаси Халқ-Демократик Партиясининг энг фаол аъзоси Мунаввархон Ғаниевнинг ватанпарварлигига тан бермаган инсон қолмади ҳисоб. У фарзанди ўлимини мардона қабул қилиб, унга берган оқ сутига рози эканлигини, шундай фарзанднинг онаси эканлигидан фахрлинишини билдирди. У «Ўғлим сафдошларини ўққа рўпара қилиб, ўзи пана-пастқамга яширинса, қўрқоқлик қилса нима қилардим. У ўз юртига оёқ босмоқчи бўлган хоинларга қарши курашда қурбон бўлди. Бобиржон энг суюкли фарзандим эди. Бизни оиламиз офицерлар сулоласи. Бобиржоннинг 3 нафар оғаси бари ҳарбий. Оиламизда 4 нафар ўғил набирам бор. Бу дегани яна 4 та Ватан ҳимоячиси вояга етмоқда. Мен фарзандларимни барчасини фақат Ватан ҳимоячиси бўлишини хоҳлайман» деган сўзларини сотқин ва хоинлар, уларга вояга етказган тарбиялаган ота-онаси, маҳалладошлари қандай қабул қилдилар экан. Дарҳақиқат «бир болага етти маҳалла ота-она» деган нақлдан келиб чиқиб азиз опа-сингиллар, Ватанамиз сарҳадларини, юртимизни тинчлигини сақлаш йўлида жон фидо қилгувчи мард ва жасур ўғлонларимиз сафлари кенгайиши учун жипслашайлик.

МАҲАЛЛА ЗИЁЛИЛАРИ!

Сиз зиёли инсон сифатида бошқалардан фарқланиб турасиз. Иш жойингизда ҳурматингиз етарли. Чунки ўз ишингизга виждонан ёндашасиз. Ўзингизда мужассам бўлган ташкилотчилик қобилиятингизни маҳаллани ободлиги, ижтимоий-сиёсий баркамол бўлиши учун сарфладингизми? «Мен маҳаллам учун нима қилдим?» дея ўзингизга савол беринг. Ҳамият ҳаётида учраб турадиган жуда кўп муаммоларни аини шу маҳаллада касалликка айлантирмай, илдиз отишига, урчиб кетишига йўл қўймай даволаса бўлади. Сиз зиёлисиз, бу дегани—мамлакатимиздаги ижобий ўзгаришларда озми-кўпми сизнинг ҳиссангиз бор, чунки сиз биринчилар сафидан ўрин олгансиз. Сиз яшаётган маҳалла ҳам барча кўрсаткичлар бўйича биринчи бўлиши учун қўлни-қўлга берайлик. Зиёли инсон сифати-

да маҳалладошларингиз дардига малҳам бўлинг, қалб турғёнларига шерик бўлинг. (4-шакл).

ПАРТИЯЛАР, НОДАВЛАТ ВА ЖАМОАТ ТАШКИЛОТЛАРИ РАҲБАРЛАРИ!

Фуқароларни етакчилик фазилатлари ва ҳуқуқий, сиёсий саводхонлиги, ўз кучига ишонч туйғусини, демократик етакчилик ва ҳуқуқий ҳимоя қилиш кўникмаларини ҳосил қилиш, аҳоли ўртасида жиноятчиликни олдини олиш, маънавият ва маърифат, тарих ва қадриятлар тарғиботи сизнинг зиммангизда. Бир сўз билан айтганда сизнинг бош вазифангиз — энг аввало демократик қадриятларни, кишиларнинг ҳақ-ҳуқуқлари ва эркинликларини ҳимоя қилишдан иборат. Сиз-чи? Маҳаллалар билан олиб бораётган ишларингиздан қониқаяпсизми? Ёки хайрия ва мурувват муассасасига айланиб қолдингизми? Агар сиз ўз ишингизни қониқарли даражада ташкил этган бўлсангиз. Нима учун ёшлар бир гуруҳ чиркин ниятли кимсалар етовига кириб қоляпти? Кечагина ҳамфикримиз бўлган ёшлар бугун биздан узоқлашишга ҳаракат қияпти? Қўлни қўлга берайлик, душманларга қарши ғоявий кураш очайлик. Ана шу курашнинг йўлбошчилари эса фақатгина сиз бўлмоингиз даркор.

ҲУРМАТЛИ НОИБЛАР!

Мамлакатимизда амалдаги давлат бошқаруви тизими таркиб топди. Ана шу тизимнинг вазифаси — халқ продаси ва умидларни рўёбга чиқаришни кўзлаб ишлаши керак. Бу йўлда сиз халқ билан ҳукумат ўртасидаги кўприксиз. Сиз яқиндагина маҳаллаларга ташриф буюриб сайловчиларингизни сайловолди дастурларингиз билан таништирган эдингиз. Халқ эса кўп кишилиқ номзодлар орасидан фақатгина сизни номзодингизни танлади. Кунлар, ойлар ўтиб ўз сайловчиларингиз олдида юзингиз шувут бўлиб қолмайдими? Яъни «халқ ноиблари ва раҳбарлар ўз сайловчилари олдида ўз вақтида ҳисобот беришлари ҳам қарз, ҳам фарздир» дейди юртбошимиз. Сиз-чи, сайловчингиз билан учрашдингизми? Маҳаллага кириб бориб у ерда яшовчи аҳолини дардини тинглашга вақт топа олдингизми? Сиз кимнинг депутати эканлигингизни бир зум бўлсада унутишга ҳақли эмассиз. Чунки сизни халқ

сайлади. Сиз ХАЛҚ НОИБИСИЗ. Бу номни оқлаш учун эса халқ орасида кўпроқ бўлиб, уларга амалий ишингиз билан мадад бўлинг. (5-шакл).

МАҲАЛЛА ХУДУДИДАГИ ЎҚУВ МУАССАСАЛАРИ РАҲБАРЛАРИ!

Маҳалладаги ҳар бир йигит-қиз сизнинг тарбиянгиз меваси. Уларнинг ўзига яраша характери, хулқ атвори бор. Бу хислатлар ота-онадан ҳам кўра кўпроқ сизга маълум. Чунки сиз киши қалбининг шифокорисиз. Буюк мутафаккир-Абдулла Авлониининг «ТАРБИЯ БИЗ УЧУН Е ҲАЕТ — Е МАМОТ, Е НАЖОТ — Е ҲАЛОҚАТ, Е САОДАТ — Е ФАЛОҚАТ МАСАЛАСИДИР» деганида юз карра ҳақ эди. 1993 йилда ишлаб чиқилган «Ўқувчиларни тарбиялашда оила, маҳалла, мактаб ҳамкорлиги» концепцияси ёшларни истиқлол ғояларига садоқатли, маънавий баркамол, ватанпарвар этиб тарбиялашда кенг жамоатчилик фаолиятини мувофиқлаштирувчи муҳим дастуриламал бўлди. Қўлида қаламни қандай тутини билмайдиган гўдақни тарбиянгизга олиб етук билимдон инсонлар қаторига қўшини йўлида тинимсиз изладингиз, Энди уларни асраб қолиш учун оёққа қалқинг. Ахир ўз аскарларини рухлантириш учун от суриб жанг майдонига кирган саркарда ҳам энг аввало аскарларини нобуд бўлмаслиги учун қайғурса, иккинчидан жангда ғалабага эришини кўпроқ саркарданинг маънавий мададига боғлиқ.

ХОТИН-ҚИЗЛАР КЕНГАШЛАРИ ФАОЛЛАРИ!

Ўзбек аёлининг шон-шухрати буюк. Бибихоним, Нодирабегим, У ҳар қандай синовларга тайёр. Унинг Алпомишу, Жалолиддин Мангубердидек жасур ва мард ўғлонлар, Қумушбиби-ю Зебунисо янглиғ нафис қалбли, назокатли қизлар, Фарҳоддек тоғу-тошни талқон қилгувчи ботирлари, Барчиной-ю Тожиҳон Шодиева сингари миллат озодлиги, ободлиги йўлида жон фидо қилгувчи жасоратли, мағрур фарзандларни тарбиялаши учун биз Аёлни эъвозлашимиз даркор. Аёлци давлат сиёсатининг етакчи иштирокчиси, тарғиботчисига айлантириш, Ўзбекистоннинг бошқа ривожланган мамлакатлар сингари ҳуқуқий демократик давлат бўлиб юз

кўрсатиши учун Аёлнинг ролини оширишимиз керак. Чунки, ҳар қандай жамоани, ҳар қайси жамиятни, ҳар қандай муҳитни авваламбор аёлларимиз обод этади. Мамлакатимизда ҳуқуқий демократик давлат ва фуқаролик жамияти куриш йўлида қатъий кураш кетаётган экан, азиз аёллар, сиз ва биз моҳир сиёсатчи, ҳуқуқшунос, жамоат арбоби, ишбилармону тадбиркор бўлишимиз лозим.

«Бугун аёллар ва ёшларнинг жамият ҳаётидаги ўрни ва мавқеини янада юксалтириш ўта муҳим масаладир. Аёллар меҳнатини енгиллаштириш, айниқса уларнинг турмуш шароитини яхшилаш ҳақида жиддий ўйлаб кўриш ва керакли тадбирларни амалга ошириш даркор.

Аёллар ўртасида олиб бориладиган ишларнинг шакллари кенгайтириш, уларнинг илмий ва маданий савиясини кўтариш керак. Шунинг учун унутмайликки, жамиятнинг демократик ўзгаришлар йўлидан нечоғли илгарилаб кетгани, шу жамиятнинг аёлларга бўлган муносабати унинг маданий-маънавий савиясини белгилайди».

Хотин-қизлар Кенгани фаолли сифатида юртбошимизнинг аёлларни эъзозлаш ҳақидаги ушбу фикрини сиз дастуриламал қилиб олдингизми? Ҳа, дея далил жавоб беришдан аввал бир зум тўхташ-да, ўз виждонингиз билан баҳслашинг.

Сиз хотин-қизлар ўртасида тарбиявий ишларни яхши йўлга қўйган бўлсангиз тирик етимлару, қонунбузарлар, Ватан хонилари қўлида қўғирчоқ бўлаётган юртфурушлар қадердан пайдо бўляпти? Биргина оилада потинчилик ҳукмрон экан, билингки Сиз ҳали амалий ишни бошламабсиз. Ҳамон гафлат уйқусида экансиз. Бугунги кун эса гафлат бандаларини кечирмайди.

МАЪРИФАТПАНОҲ, САХОВАТПЕША ИШБИЛАРМОНУ ТАДБИРКОРЛАР!

Мамлакатимиз ёшларининг баъзи бирлари иқтисодий ўзгаришлар жараёнида ўзлигини йўқотиб қўяётгани бутун бизга сир эмас. Уларни йўлдан адашмаслиги учун эса бор кучу гафратимизни сарфлашимиз керак. Маърифатли ёшлар эса ҳеч қачон Она-Ватанига қарши тиф кўтармайди, сотқинлик, хонилик қила олмайди. Аксинча, бундай жирканч кимсаларга қарши далил чиқади, керак бўлса жонини фидо қилади. Мамлакатимизда бўлаётган ижобий ўзгаришлар билан танишиб боришлари учун Оммавий Ахборот Воситаларининг

хизмати чексиз. Телевидение, радио-газета ва журнал, китоблар кўпроқ хонадонларга кириб борса, ёшлар онгида келажакка ишонч туйғуси шунча юксалади.

Маънавий, маърифат, илм-фанга баҳоли-қудрат ҳомийлик қилиб келмоқдасиз. Мана шундай саховатингизни Республикамиз миқёсида чоп этилаётган газета ва журналларга маҳаллалардаги ижтимоий муҳофазага мухтож оилаларни, иқтидорли ўқувчи ва талабаларни обуна қилинг. Ватанпарварлик руҳига йўғрилган энг сара китобларни тортиқ қилиш. Сиз бу хизматингиз билан келажакимиз эгалари бўлган ёшларимизни маънавий олами бойишига муносиб ҳисса қўнган бўласиз. XXI асрга маърифатли ёшлар билан кириб борайлик.

МАҲАЛЛА ҲУДУДИДАГИ ТАШКИЛОТЛАР, МУАССАСАЛАР, КОРХОНАЛАР РАҲБАРЛАРИ!

Сиз раҳбарлик қилаётган бу ташкилот ушбу кунда ривожланиб, туркираб бормоқда. Ташкилотингиз ўрнатган ҳудуд — маҳалла билан муносабатингиз мустаҳкамми? Маҳалла ёшларини иш билан таъминлаш, уларни ижтимоий муҳофаза қилиш йўлида сайёи-ҳаракатингиз самарасидан қувонасизми? Маҳалла ёшларини иш билан таъминлаш учун янги ишчи ўринларини ташкил этиш имкониятларини ишга солиб, кўчаларда беҳуда кезиб юрган ёшларни ишга жойласангиз, шундагина жиноятчилик олами янги ва янги сафдонларга эга бўлмас эди.

УЧАСТКА НОЗИРИ ВА МАҲАЛЛА НОСБОНЛАРИ!

Сизнинг зиммангизга гоёта масъулиятли вазифа юклатилган. Ана шу вазифани бажаришда эса сиз энг аввало маҳалладан чиққан зиёли ва билимдон инсонлар ёрдамига таянишингиз керак. Чунки кечагина тартиб-интизомли бўлиб юрган йигит бугун бирдангина жиноятчи бўлиб қолмайди. Ёки кечагина ота-она измидан чиқмаган қиз бугун ўзидан ўзи ичкиликбозлик, гиеҳвандлик қурбони бўлмайди. Агар ҳар бир уй каттасининг, маҳалла фуқаролар йиғини раҳбарларининг қўлида бўлиши шарт бўлган уй дафтари сизда ҳам бўлса эди. Ундаги ўзгаришни олдинроқ сезган бўлардингиз. Айниқса кўп қаватли уйларга кимлар келиб кетяпти, пайдо бўлиб қолган шубҳали шахс қайси хонадонга кирди? Кўп қаватли уйлардаги кўплаб бўш турган хонадонларга катта ижара ҳақи ҳисобига дуч келган кимсаларни жойлаштираётган фуқаролар нафақат ўзига, балки бугун маҳаллага, қўни-қўшнилари

ҳаётига хавф солаётганини англаб етишлари учун сизнинг тушуштириш ишларини кўпроқ олиб боришингизга тўғри келади. Сиз ўз вазифангизда ишлаш жараёнида маҳалла аҳлини тўйлаб, уларни қийнаётган муаммо ва камчиликлар ҳақида дилдан суҳбатлашингизга имкон топдингизми? Маҳаллада ижтимоий-маънавий муҳитни соғломлаштириш мақсадида ичкиликбозлик ва гиёҳвандликка ружу қўйганларни, вояга етмаганларни турли ҳуқуқбузарликлар содир этишга уйдовчи шахсларни, ёшлар онгини заҳарлаб, уларни турли диний экстремистик гоялар таъсирига олиш мақсадида бундай таъвиқот ишлари олиб борувчи шахсларни, ўсмирларга қонунига хилоф равишда диний таълим берувчиларни, конституцион қонуний тузумга қарши турли бўҳтонларни тарқатувчи шахсларни аниқлаш йўлида сизга фақат маҳаллада яшовчи фаол фуқароларнинг яхши ҳамкор бўла олади.

ҚАДРОН ҚАЛАМҚАШЛАР!

Сиз баралла Ватан ҳақида, Мустақиллигимизнинг қадр-қиммати ҳақида жўшиб ёниб-куйиб қасдалар битасиз, шеърлар тўқийсиз. «Темур тиғи етмаган жойни, қалам билан олди Алишер». Дарҳақиқат сизнинг қуролингиз ўта кучли қуролдир. Ана шу қуролни Мустақиллигимизни кўра олмаётган галамисларга қарши ўқтални даври келди. Олдиндан режалаштирилган тадбирларда, жўшқин давраларда баҳрубайт айтиш билан чегараланмай, ўз хоҳишингиз билан ўзингиз петиқомат қиладиган ён атрофдаги маҳаллаларни пиёда айланинг, ана ўшанда ён қўшнингиз оиласида потинчилик ҳукмронлигини, кечагина шўх-шодон юрган ўсмир қўшнингизни бугун кўзларида ўзгача ёлқин жилваланганини ҳис этасиз. Маҳалла фуқаролар йиғида қилинаётган ишлар ҳақида суриштиринг, танишинг. Бунга эса сиз ҳақлисиз. Чунки тўрттинчи ҳокимият вакилисиз. Сиз яшаётган маҳаллада жиноятчилик содир бўларкан, қайсидир бир фуқаро қонуни билмай, жиноятга қўл урар экан, маҳаллангиз олдидаги бурчингизни адо этмасиз.

АЗИЗ ЁШЛАР!

Сизларга насиҳат қилиш фикридан буткул йироқмиз. Юртбошимиз «Мен ёшларимизни, фарзандларимни ҳеч кимга бермайман» дея баралла айтганда «Биз ҳам сизни, Ўзбекистонимизни ҳеч кимга бермаймиз» дея шивирлаганингизга ишонамиз. Қайсидир дўстингиз ҳақ йўлдан адашган, қабил ниятли кимсалар қўғирчоғига айланган экан, ундан кўра кўп-

роқ биз катталар айбдормиз. Ҳаётнинг энг гўзал лаҳзаси — бу ёшлиқдир. Сиз ана шу ёшлик шижоатини, жасоратини билим олишга, жамиятда етакчи ўринларни эгаллашга сарфланг. Сизга тоғ-тоғ бойликлар ваъда қилаётган қонхўрлар келиб кетгувчидир. Ахир айтадилар-ку «Ит ҳурар — карвон ўтар» деб. Бизни карвонимиз сарбони эса худо назар қилган инсондир. Ахир «ЎЗБЕК» номини жаҳонга танитган даҳо аждодларимиз — Аҳмад ал-Фарғоний, Бурҳониддин ал-Марғиноний каби алломаларимизни мана шу юртбошимиз сайъи ҳаракатлари туфайли танидик. Юртимиз тинч, юртбошимиз омон бўлсин. Бир бора йўлдан адашган фарзандлар яна адашмаслик учун иптилсинлар. Дўстларингиз орасидан бирортаси шундай адашса, сиз дарҳол уни ёнингизга олингда, бу йўл фақатгина жарликка олиб боришини тушунтиринг. Унинг эътиқодига путур етганини сезсангиз бор куч ва билимингизни ишга солинг, уни бу йўлдан қайтаринг. Ана ўшанда Мустақил Ўзбекистоннинг ҳақиқий фарзанди ҳисобланасиз.

АЗИЗ ҲАМИОРТЛАР! Дейдиларки, буюк фотиҳ Искандар Зулқарнайн ҳар қанча ҳаракат қилмасин, Спитамен бош бўлган ватанпарварларни тобе этолмайди. Шунда доно вазирлари маслаҳати билан Искандар гўё ўзини Спитаменнинг хотинига ошиқи беқарор қилиб кўрсатиб, муҳаббат изҳор этилган мактуб йўллайди. Фотиҳнинг сўзларига учган энгилтак хотин Спитамен ухлаб ётганида унинг бошини танасидан жудо қилиб, Искандарга тухфа этади. Во дариг, жаҳонгир шоҳ уни ўлдиришга буюради. Бундан хайрон бўлганларга эса шоҳ шундай дейди: «Ўз эрига, ўз ерига, ўз элига хиёнат қилган хотин менга садоқат кўрсатармиди?»

Бундай воқеалар тарихда кўплаб юз берган. Таассуфки, ховинлик кўчасига кирганлар ҳозирги кунда ҳам топилади. Диниял ниқоб қилиб олган, фикри-зикри ҳокимиятни эгаллаш бўлган ватанфурушларга қарши курашайлик, зеро ҳамон оқ билан қорани ажратолмай юрган адашганларнинг эс-хушини йиғиштириб олишга кўмаклашайлик.

Ҳа, биз Спитамен, Широқ, Амир Темур авлодларимиз. Биз учун энг муқаддас туйғу, бу эрк ва ҳурликда яшашдир. Ҳурликни асраш учун эса лоқайдлик уйқусидан уйғонайлик. Ахир «Бир лоқайд дўстдан ўнта хушёр душман яхшидир» деган нақл бежиз айтилмаган. Лоқайдлик қурбони бўлмаслик учун **ХУШЁР БЎЛАЙЛИК! ОГОҲ БЎЛАЙЛИК..**

Ўзбекистон Халқ Демократик партияси Марғилон шаҳар «Зухро» маҳалласи ҳудудий бошланғич партия ташкилоти қошидаги «Ўтюраклар» клубининг Зухро кўчаси 31-уйдаги вакили Тожибоева Мўътабархоннинг 31-уй юзасидан тўтган

У Й Д А Ф Т А Р И

1-шакл

Марғилон шаҳар «Зухро» маҳалласи Зухро кўчаси 31-уйда яшовчи аҳоли ҳақида 2000 йил 1 октябргача бўлган

М А Ў Л У М О Т

1. Умумий аҳоли сони
2. Oilалар сони жами:
шундан
— ибратли oilалар сони
— кўп болали oilалар сони
— нотинч oilалар сони
— ижтимоий муҳофазага муҳтож oilалар сони
3. Нафақадагилар: жами
шундан
— қариялик нафақасидагилар
— ногиронлик нафақасидагилар
— болаликдан ногиронлар (18 ёшгача)
4. Ишсизлар сони жами
шундан
— 14—35 ёшгача бўлганлар
5. Уйдаги хонадонда ҳисобда турувчи, лекин баъзи сабабларга кўра ҳозирги кунда яшамайтганлар сони (хонадон)
6. Ҳужжатсиз яшовчилар сони (хонадон)
7. Бўш турган хонадонлар сони
8. Жазо муддатини ўтаб қайтганлар сони
9. Жазо муддатини ҳозирги пайтда ўтаётганлар сони
10. Гиёҳвандликка берилганлар ва гиёҳванд моддалар сотишда тахмин қилинганлар сони

11. Турли экстремистик оқимларга мойил бўлган фуқаролар сони

12. Бошқа турдаги жиноий ишга қўл уруши мумкин бўлганлар сони

13. Бугунги кунда бошқа жойларда юрганлар сони
жами:

шундан

— сабабли

— сабабсиз

14. Балоғат ёшига етмаган ёшлар билан ишлаш инспекцияси ҳисобида турувчи ёшлар сони

15. Енгил ҳаётга мойил бўлган аёллар сони

16. 2 ёшгача болалар сони

17. 2—16 ёшгача болалар сони
— 16 ёшгача нафақа оладиганлар

18. Ўқувчилар сони

19. 14—35 ёшгача бўлган ёшлар

шундан

— йигитлар

— қизлар

— ўқийдиганлар

— ишлайдиганлар

20. Зиёлилар сони

Марғилон шаҳар «Зухро» маҳалласи Зухро кўчаси 31-уйда
яшовчи аҳоли ҳақида 2000 йил 1 октябрга бўлган

МА Ё Л У М О Т Н О М А

15

хонадон соғи	исми, шарифи (тўлиқ)	туғилган йили	миллати	партия- вийлиги	маълумоти	мутахас- сислиги ёки касоби	ўқиш ёки иш жойин	вазифаси	судлан- ганлиги (моддаси)	совуқ қуроли бор-йўқлиги	транспорт Дав. №, мар- каси, ранги	қерда рўй- хатда туради	ишламаса, сабаби

Эслатма: Ушбу маълумотномани йилнинг ҳар чорагида
текшириб ўзгартиришларни ёзиб бориши шарт.

Марғилон шаҳар «Зуҳро» маҳалласи Зуҳро кўчаси 31-уйга фуқаролар ҳолидан хабар олиш учун ташриф буюрган масъул ходимлар (вилоят, шаҳардан келган вакиллар, маҳалла кўмитаси раиси, котиби, фаоллари, маҳалла хотин-қизлар кенгаши раиси, участка нозири, маҳалла посбони, турар-жойлар бошқармаси раҳбарлари, маҳаллада ташкил этилган Нурунийлар, Ногиронлар, Камолот, Афғончилар жамғармалари жамоатчилик марказлари раҳбарлари)нинг ташрифи, уларга билдирилган таклиф, мулоҳазалар ва ҳал этилиши керак бўлган муаммоларни ҳал этилишини назоратга олиб бориш

Ж У Р Н А Л И

Марғилон шаҳар «Зуҳро» маҳалласи Зуҳро кўчаси 31-уйга ташриф буюриб, фуқарони муаммосидан хабардор бўлган масъул шахслар ҳақида

М А Ё Л У М О Т Н О М А

ташриф буюрилган кун	ташриф буюрувчи					муаммоларни ҳал этиш учун қандай чора кўрди ва натижа
	исми, шарифи	иш жойи ва вазифаси	кирган хонадон ва хонадон соҳибининг исми, шарифи	билдирилган фикр ва муаммолар	имзоси	

Намуна
Шакл 5

Марғилол шаҳар Зухро маҳалласи томонидан (Олий Мажлис, вилоят ва шаҳар Кенгашларига) сайланган халқ ноибларининг маҳаллага ташрифини рўйхатга олиб бориш

Ж У Р Н А Л И

18

Муддат	Маҳаллага ташриф буюрган ноибнинг исми, шарифи	Ноибнинг қабулига кирган фуқаро	Фуқаронинг яшаш манзилгоҳи
Ноибга билдирилган фикр, мулоҳазалар, муаммолар	Билдирилган фикр, мулоҳазалар, муаммоларни ҳал қилиш юзасидан ноибнинг таклифи	Натижа	

**«Утюраклар» клуби огоҳ этади,
огоҳ этади, огоҳ этади..**

Муҳаррир — Ислон Ҳамро.

Тех. муҳаррир — Хаттатова В. К.

Мусаҳҳих — Гафарова Э. У.

Теришга берилди 15.11.2000 йил. Босишга рухсат этилди
5.12.2000 йил. Қоғоз бичими — 60x84 1/16. Хажми 1,5 б. т.
Буюртма № 5794.

Ўзбекистон Езувчилар уюшмаси
Адабиёт жамғармаси нашриёти
Тошкент шаҳар

Фарғона политехника институти қошидаги босмахонада
терилди ва чоп этилди. Фарғона шаҳар, Қирғули тумани.
Фарғона кўчаси, 6-уй.